

Info di Stüdafüch: en sabeda ai 26 de novëmber dales 8:30 ales 12:00, sarâl la poscibilitè de condüje te magazin di Stüdafüch de Badia i destodadus (polver, scaia o CO²) por le control scrit dant dala lege. I stüdafüch y na dita spezialisada piarà do i destodadus, che an podará spo indò jí a se tó do ca. 1 ora. Chësc n'é nia ma n sorvisc di stüdafüch ala comunité mo ince n intervënt de prevenziun cuntra le medefüch.


Curs de Ultimo Aiüt, metü a jí dales infermieres dl Raiun Sanitar Val Badia olach'an impara da socodí y da di sté dlungia tla dërta manira a porsones che é tl morí. Le curs vëgn ciamó n iade tigní a S. Martin, tl Istitut Micurá de Rù, ai **19 de novëmber** dales 08:00 ales 12:00. Präibel se anunzié damperfora cina ai 18 de novëmber al nr. 0474/586128, dales 08:00 ales 09:30.

Le KVV La Ila organisèia n curs de Pröm Aiüt adöm ala Crusc Blanca, en sabeda ai 19 de novëmber dales 14.00 -18.00, tla sènta dla Crusc Blanca a La Ila. Le curs é debann por i scric ite ala Crusc Blanca, por i atri él n cost de 40 €. I posc é limitá da min 8 - a max 16 porsones. Por prenotaziuns cherdé sö le nr 328/8662333 (Annelies) anter le 14 de novëmber.

La "Uniun Teater La Ila" ves invièia al teater "Te camping" ai 13 - 16 - 19 de novëmber dales 20.30 y ai 20 de novëmber dales 15.00 tla Ciasa de Cultura a La Ila. Prenotaziuns: tel. nr. 3332525740.

"Family Direkt – Pronto Family": oferta nòia de consulènza dl Consultore familiar (Familienberatungsstelle) ince te Raiun Sozial Val Badia a Picolin ai 30 de novëmber dales 16.00 inant. L'oferta é ponsada por dotes les generaziuns tles situaziuns desferèntes de vita. Stress, conflic tla relaziun, cosses che pësa söl laur, contesc soziai, familia o ince maratia se damana na consulènza, n aiüt. Family direkt pïta sön domanda consulènzes telefoniches te na manira spontana o ince consulènzes personales. Personal cualifiché se tól tëmp (30 - 45 menüc) por Os. La consulènza é debann. Termis pro www.familydirekt.it o al 0471 1550900.

Metede averda: les plates dla cùra ONLINE é da ciafé da sëgn inant (magari ciamó nia por chësta domënia) sot ala nòia misciun internet: www.unitepastorala.org



Plata dla Ploania Badia

San Iaco - San Linert

Ploian: Siur Iaco Wendelin Willeit


Cell. 347 909 4532

Calonia Badia: 0471/839571

E-Mail: parrocchiabadia@libero.it

Radio dla Ploania: 91,10 Mhz

UNITÉ PASTORALA



VAL BADIA

www.unitepastorala.org

Ann „C“ 13.11. – 20.11.2022 XXXIII° Domënia Tëmp Ordinar n. 51



*Non è tanto quello che diamo,
ma quanto amore mettiamo nel dare.*
(Madre Teresa)

Vangele dla proscima Domënia - Festa de Crist Re dl Ann "C"

Lüca 21,5-19

Te chël tëmp èl i ëi surastanc dl popul che coienà Gejú y dijò: D'atri ál assá daidé, sëgn dessel se daidé instës, sce èl é le Messia prelitè de Dì. Deboriada cun Gejú ai ince condüt dui ladruns al suplice. Ai é rová söl post ch'an ti dij Col dla Crëpa. Dailò ai metü èl y i dui ladruns söla crusc, un a man dërta, l'ater a man ciampa. Mo Gejú perià: Pere pordoni, deach'ai ne sa nia ci ch'ai se fej. Spo ai trat ala niza y á partí sö sü guanc danter ëi. La jënt stò dailò y ciarâ pro; ince i surastanc dl popul le coienà y dijò: D'atri al assá daidé, sëgn dessel se daidé instës, sce èl é le Messia prelitè de Dì. Ince i soldas le coienà, ai é jüs pomez a ti sporje ajèi y dijò: Sce t'es le re di iüdes, spo salvete instës! Sura so ce èl na tofla cun l'iscriziun: Chësc é le re di iüdes. Un di ladruns, taché dlungia d'èl söla crusc, le coienà: Ne n'este nia tò le Messia? Dailò dëidete instës y ince nos! Mo l'ater l'á cospeté y á dit: Gnanca tò n'as timur de Dì, ester che t'es dl medemo destin? A nos nes cuncel le dërt: i ciafun le paiamënt por nüsc fac; mo chësc n'a fat nia de tort. Spo al dit: Gejú, pënsa a me canche te röies te to règn. Gejú ti á respognü: Amen, i te diji: Ciamó incò saraste cun me te paraisc.

FUNZIUNS SACRES

13.11. **33^a DOMÈNIA dl ANN C – Domènia dla Caritas**

10.00 **Mëssa ciantada dal Kerygma por süa ativité de 30 agn**

†ti Burchia da Pedraces

†ti Lois y Giuvana Irsara • *offerta por la Caritas* •

por fam. Flurian y Lucia Sottara

15.00 *Ora de adoraziun*

18.00 †ta Maria Costner Vittur (dala uniun èles)

†to Erwin Pescosta

†ti Franz y Rosina Irsara

15.11. Mertesc - **S. Albert le Gran**

14.00 Mëssa cun le Senioreclub (te Ciasa Runcher)

†ta Clara Pizzinini Pescosta

†ta Alvijia Frenademetz Zimmerhofer

por les püres animes

16.11. Mercui

07.25 Mëssa cun i scolars

†ti Florino y Rosina Tavella

†ta Marlies Passler Hilber

por fam. Lois y Maria Trebo

18.11. Vëndres

07.30 †ti Tone y Sabina Campeï

por les families de Davide y Tarina Campeï

por la fam.de Franz Thaler en rengraz.a S.Ujöp da Oies

19.11. Sabeda - **S. Elisabeta**

16.00 Mëssa a Oies

20.11. **FESTA de CRIST RE / Festa de S. Zezilia**

10.00 **Mëssa por la Comunité ciantada dal cor**

†to Sepl Tavella - aniversar

†ta Maria Pescoll Promberger

†ti Milio y Angela Craffonara

†ti Pitscheider da Ruac

18.00 †to Iaco Pescollderungg

†ta Regina Canins

†to Hansi Irsara

Dala VITA dla CÛRA

Domènia dla Caritas: chësta domènia ai 13 de novèmber gnarál trat ite tranan les mësses l'oferta por la Caritas.

Senioreclub: al se abina en mertesc, ai 15 de novèmber dales 14:00 te Ciasa Runcher por na santa mëssa y dedô gnarál mostré dias. Düc é dër bel inviá.

Incuntada di geniturs di mituns y mitans dla Prüma Comuniun en lünesc dl'atra edema – 21 de novèmber - dales 20:00 te Salf di Ministranc.

Les **proes di Ministranc nüs** sará la jöbia dales 15:40 te dlijia.

Rorate: l'Advënt n'é nia plö dalunc porchël periunse ciamó n iade les uniuns y i grups che arjigné ca les mësses/Rorate, ince i cors y i grups che se mët a desposiziun por cianté y soné, da gní te calonia por fá fora les dates. Chëst'ann sará i Rorate vigni mertesc, vëndres y domènia dales 19:30.

Dal Consëi de Cûra

L'ultima sentada ai 8 de novèmber á scomencé cun n mumënt de “partí la Bibia”, spo él gnü aprofondí le tema dl'ann “*dlungia y deboriada*”, che trata dla Bibia y dla Caritas.

- Al é gnü aposté le liber nü “*Laldun le Signur*” che é en stampa.

- Baian dla preparaziun di Sacramënc, él gnü dé ala Rosmarie Irsara l'inciaria dla preparaziun dla Prüma Comuniun (festa ai 14 de ma 2023) y dé n regolamënt ales nozes.

- Pro i Ministranc sarál n gran cambiamënt (n gran giulan ai jogn ch'á condüt la uniun).

- An pënna de arjigné ca por i 3 Resc, i Rorate y festes da Nadé. Ince la marëna dla jënt atempada é fissada por la domènia ai 11 de dezèmber.

Cun les desvalies se á stlüt jö la sentada.